



**Geschichte der geistlichen Stiftungen, der adlichen
Familien, so wie der Städte und Burgen der Mark
Brandenburg**

[Urkunden-Sammlung für die Orts- und spezielle Landesgeschichte]

Riedel, Adolph Friedrich

Berlin, 1861

CXXVI. Des Burggrafen zu Meißen, Böhmisches Commissars, Mandat an die Herzöge von Sachsen, dem Herrn von Schellenberg und Herrn Ulrich von Bieberstein die Herrschaften Sarau, Beeskow und Storkow ...

Nutzungsbedingungen

[urn:nbn:de:hbz:466:1-55508](https://nbn-resolving.org/urn:nbn:de:hbz:466:1-55508)

sint dryfsig schillinge pfenninge, vnde iren schaden legern vff recht, vnde deme Richtere, vor deme ir das furdernde syt, gewette geben von rechtis wegen —.

Aus dem Copialbuche I. der Stadt Beeskow.

CXXXV. Notiz über das Erbrecht von Ehegatten in Beeskow, aus dem 15. Jahrhunderte.

Desse nachgeschrebin stugke pflegt ein man, so jm sein weib ane erbin stirbet, addir einem weib ire man ane erbin abeget, vor allir teilung zcuor nest dem bestin habin vnd wegnemen:

Primo ein bette nest dem bestin.

Item ein tisch nest dem bestin.

Item ein tischtuch nest dem bestin.

Item ein handtuch nest dem bestin.

Ein begken — einen kessel — item eine kanne nest dem bestin.

Steht im Beeskower Stadtbuche I. auf dem Umschlage.

CXXXVI. Des Burggrafen zu Meissen, Böhmischen Commissars, Mandat an die Herzöge von Sachsen, dem Herrn von Schellenberg und Herrn Ulrich von Bieberstein die Herrschaften Sarau, Beeskow und Storkow abzutreten, vom 15. Dezember 1501.

Den Durchleuchtigenn Hochgebornen Fursten vnd Hern, Hern Fridrichenn, des Heiligen Römischen Reichs Ertz Marschalchenn, Churfursten, Hern Johanfen vnd Georgen, gebrudern vnd vedtern, Hertzogen zu Sachsen, landtgrauen In Doringen vnd Marggrauen zu Meissen, vnsern gnedigsten vnd gnedigen Hern, Entbieten wir Heinrich, des Heiligen Römischen Reichs Burggrau zu Meissen, Graue zum Hartenstein, Hern von plawen, koniglicher aufzlendischer lehen Heuptmann vnd Marggraffthumbs Nieder Lauicz Landtvoit, Commissarius vnd Executor, Vnser willig vnd vnuerdrossen diast. Nachdem ewer fl. gnaden wol offentlich der Irrigen sachen, So czwuschen ewern fl. gnaden eyns vnd den wolgebornen Hern, Hern Johann von Schellenberg, des konigreichs czu Behmen Oberstem Cantzler, vnd Hern Vlrichen von Biberstein auff Fridlandt anders tails, die Herschaften Saraw, Storckaw vnd Befzkow mit aller zu vnd eingehorung betreffende, Derhalb vns Burggrauen Heinrichen von dem Durchleuchtigsten Grosmechtigsten Fursten vnd Hern, Hern Wladislawen, zu Hungern, Behmen, Dalmacien, Croacien etc. konigs, Marggrauen zu Merhern, Hertzogen zu Lutzelburgk, dorch Slesien vnd Marggrauen zw

Lauficz etc., vnserm allergnedigstem Hern, Eyn Commission zugeschickt vnd gegeben, dieselbigen Irrigen sachen vnd Hann dell eigentlichen zuorboren vnd rechlich zuuerenden, Welcher ir kon. Maiestat Commission des Lauts hernach volget:

Commiffio prima.

Wir Wladislaus, von gots gnaden zu Hungern, Behem, Dalmacien, Croacien etc. konig, Marggraue zu Merhern, Herzog zu Lutzelburgk vnd Slesien vnd Marggraue zu Laufitz etc., Entbieten dem Hochgebornen Heinrichen, des Heiligen Römischen Reichs Burggrauen zu Meiffen, Grauen zum Hartenstein, Hern zu Plawen vnd Landtvoite In Nieder Laufitz, vnserm lieben getrawen, vnser koniglich gnade vnd alles guts. Hochgeborner lieber getrawer, So vnd vns vnser lieber Oheim, Swager vnd Frundt, Die Durchleuchtigen Fursten, Her Fridrich, Churfurste, des Heiligen Römischen Reichs Ertz Marfballh, Her Albrecht vnd Her Johan, gebruder vnd vedtern, all Hertzogen zu Sachffen, Landtgrauen In Doringen vnd Marggrauen zu Meiffen, Ire bottschaft In khurtz verschynner czeit furbrengen lasen, etzlich verpüntus, vorschreibung vnd artikell ertzalt, Ires bedunckens vor dir, als vor einem von vnns verordenthem mechtigen Richter vnd Commissarien der Slofz vnd Stete Sarow, Storckow vnd Bezckow, die vonn vnns vnd der Chronen zu Behem zu lehen Rurende, nicht berechtendt sollen werden, Auff solich Ir anbrengung haben wir deinen furbeschidnen Rechtstage auffgeschoben, Doch yedem taile an seiner vermaynten gerechtigkeit one schaden, vnd derhalb, so vns die sachen nicht allaine betreffend, Sondern das khonigreiche vnd Chronen zu Behemen, haben wir surgenommen vnd solcher verpüntus vnd verschreibung abschrift auff nest vergangenn Quatuortemper zu plingsten fur die Hern der Chronen zu Behemen geyn Brage gefertigt Zusamt dem artikell, so sich dj gedachten vnser lieber Oheim, Swager vnd Frunde, alle Fursten zu Sachffen, zu behelffen vermaynen, Das eigentlich zu ermessen vnd vns dan solchs zu uerkunden, vnd so deme Nue also gescheen vnd wir vernemen, das sich die gnanthen Fursten von Sachffen mit solcher verpüntus vnd artickell von dem Rechten nicht entziehen mögen, Darauff so geben wir dir zu erkennen, Das vns dj wolgebornen, ouch vnser lieber getraw, Johann von Schellenberg, vnser konigreichs zu Behemen Oberster Cantzler, vnd Vlrich von Biberstein auff Fridlandt vormals offte vnd auch itzunder vnterricht haben, wie das sie zu denselbigen Herschafftten Sarow, Starckow vnd Bezckow sampt allen Iren zu vnd eingehorungen, welch Herschafft etwan der wolgeborn Hans von Biberstein, selliger, vnser lieber getrawer, von vns vnd vnser Chronen zu Behemen zu lehen Rurende, Inne gehabt vnd besessen vnd nach seinem tode die gedachten vnser liebe Oheim, Swager vnd Frunde, Fursten von Sachffen, eingenommen vnd noch Innen haben, gotlich gerechtigkeit vnd rechlich zuspruche vnd anfordrung zu haben vermaynen, Als sie vns dann auch neben Irer vnterricht Ires verhofften Rechtens guthen scheyne angetzaiget vnd furgetragen. Vnd so dan dj obgnantben Herschafftten Sarow, Storckow vnd Bezckow In vnserm Marggraffthumb Nieder Laufitz gelegen vnd deines amts rechts zwangk vnterworffen sein, Haben sie vns angerueffen vnd vleissiglichen gebeten, mit dir zu uerschaffen, das du Inen auff ir ansuchendt zu irer ansprach vnd clage Rechtstage ernennen, Vnd fouil billich, gerichtes vnd Rechtens gonnen vnd gestaten wollest. So wir denne Ire bete nit vntzimlich ermessen Vnd von sondern vnserm koniglichen gnaden gantz gneigt vnd gevlffen sein, In allen vnsern Landen gestrackts gerichte vnd rechte zu baldenn vnd bey dir vnd sunten allen andern vnsern gerichtshaldern khain anders wollen, dann das einem yedem, was er standes vnd wesen er sey, gerichtes vnd rechtens gestadt

vnd on alle waigerung verholffen werde, Bevelhen wir dir darauff hiermit In macht vnd crafft dits vnfers briffs, das du den Egenanthen Johann von Schellenberg vnd Vlrichen von Biberftain Ader Iren volmechtigen In disen sachen anwalden auff ir ansuchen, So offte die Nottorfft erfordert, zu Irer ansprach, clage vnd anforderung, So sie zu den gemelten Herchschaften Ader auf sunften ander mer zufelligen vrsachen, die gemelten Herchschaften samentlich ader sonderlichen betreffende, In rechte anzustellen, furnemen vnd fur dich vor Nemest vnd alz deines amts vnd obgnanther Herchschaften geordenthen vnd erstlich ouch dorch vns ytz gegebnen Richter vnd Commissarj vnd deines rechtstules verordente beisitzer Rechtstage ernennest vnd auff die mer gemelten Herchschaften Saraw, Storkow vnd Beszkow zusampt allen Iren ein vnd zugehorungen, Auch ander, mit zufellige clage vnd nottorfft, die obgnanthen Herchschaften betreffende, vnd auff die obgnanthen Fursten von Sachssen nicht fur Ire person, Sondern als Inhalter vnd besitzer der vilgedachten Herchschaften, Oder wue die gemelten Fursten einer ader mer nicht In Iren landen vnd anheimisch sein werden, Alsdann auff ire Erben, Stadthalder, Verwefer vnd alle die Jhenigen, die samentlich vnd Besonder zu solichen Herchschaften gerechtigkeit zu haben vermaynen, Ader die mergnanthen Fursten In Irem abwesen zusampt den vilberurthen Herchschaften vnd gerechtigkeit, So sie darzu vertrauen zu haben vnd billich Im rechten vertreten sollenn, Deine Rechtliche ladung vnd Citacion aufgehen lafest, das sie vor dir vnd deinen geordenten beisitzern dorch sich ader Ire volmechtige anwalde, Alz der itzt gemelten Herchschaften, vnd des Rechten, So sie darzw zu haben vermaynen, Im rechten vertreter zu Rechte erscheynen. Ob aber die Jhenigen, die du die mergedachten Fursten, Ire Erben, Stadthalder ader verwefer vilgedachter Herchschaft halb zu laden abfertigen, nicht sichern zutrite zu iren personen, noch In ire Furstenthumber vnd Lande gestadt wurde, das du alzdan auff crafft vnd macht ditz vnfers briffs vnd Beuelhs solche deine Rechtliche ladung auff die dick gemelten Fursten, Ire erben Stadthalder vnd verwefer vnd alle die Jhenigen, die zu pillichkait solche Herchschaft vnd gerechtigkeit, So sie darzu zu haben vermaynen, In Irem abwesen In rechte vortreten sollen, In etzlichen deines amts Steten, So Iren Furstenthumben vnd landen vnd sonderlichen den ostgnanthen Herchschaften Sarow, Storckow vnd Beszkow am nesten gelegenn, Vnd auch wue es mit fuge gescheen, An etzliche der gemelten Fursten Stete, Merckte vnd sonderlichen der vilberurthen Herchschaften Stadtheufer vnd Stadthore anflahen lafest, Wue aber nicht, Alzdan an deines amts nestgelegener Stete Radthewfern, Merckten, Thoren vnd andern offentlichen stellen, Also das vermutlich solche deine offentliche ladung zugemelter Fursten, Iren Erben Stadthaldern vnd verwefern kunde vnd wissenschaft kommen moge, offentlichen anflahen Vnd auffmachen lafest mit dewtlichem furbeschaide, Auff welche tzeit vnd stelle Sie ader Ire gevolmechtigeten sandtboten vnd anwalde vor dir vnd deinen geordenten beisitzern zu Rechte irscheynen sollen vnd alzdan auff solchen beschaidnen Rechtstag beden partheien In clage vnd antwurt geynainander verhörest vnd einem yeden tail vnuerkurczlich, was gleich, pillich vnd sich zu Recht eigendt, ergeben vnd widerfaren lafest. Doch domit kein taile an feiner vermeynten gerechtigkeit vberreit noch verkhurezt werde, Also beschaidenlich, So verfasse nach dem ersten Slewunge vnd Schlechten der sachen muntlich antragen die parth nach Rechtlicher ordnung zu schriftlichen setzen, dieselbige Ire Schriftliche gesetze vnd nottorfft In einer benanthen czeit gegen eynder zu uerfertigen vnd fur dich vnd deme geordenthen Beisitzer einzulegen vnd alzdan dem andern taile auch seine nottorfft In gleichmesiger czeit darkegen zu setzen, furder zu vberreichen vnd dermasen In der sachen allenthalben fur vnd fur, wie sich zu recht eigendt vnd geburt, volfarest vnd procedirest, Bis so lange die parth die Hewptfache gegeneinander nach Rechtlicher

nottorfft vorfuredt vnd zu setzen auffgehört, vnd daneben vnd mit alle Ire nottorfft, kuntschafft vnd getzeugnus einbracht vnd gentslich In der sachen Bis aufferhalb des endtlichen deines vrteils befllossen habenn, Das du mit deinen Beitzern alzdann, wie obensteet, baider taile clage rede, widerrede vnd gegeneynander gethaner setze angehoret Vnd wol ermessen, Souil dich vnd sie gotlich Recht vnd billich ansethet zu recht versprecheft. Wer aber sache, das eynige deines ambtes Ader sunsten der lande gewonhait, satzunge ader wilkuren diesem vnnferm gescheffte In deme ader andern stucken entgegen ader wider were, Dieselbigen wollen wir alle vnnnd yede aufz koniglicher vnser obermacht durch diese vnser Commission allenthalb vnnnd gentslich In dieser sachen auffgehoben, abgethan vnnnd derogirt, wurde auch aynig tail In diser ader ander mit zufelligen sachen, die vilgedachten Herschafften belangendt, dem Rechten vnd gegenwartigem vnserm Bevelh vogemese vnnnd vbrige auffflucht vnnnd lengerung suchen vnnnd furnemen Ader auff deine Rechtliche gethaneladung In vngehorsam aussen bleiben, nichts destermynners dem gehorsamen taile, was Recht vnd pillich, ergiben lafest vnnnd ganz vberall keiner vnphillichen auffflucht vnnnd auffzuge gestateft. Ob auch der parth eines ehr, dan deinen vnd deiner beitzern Rechtpruch angehört, appelliren wolde Oder aber anders ort, dan dohin solche Herschafften mit oberstem gerichtszwang gehorendt, Nach angehört dem deinem Rechtpruche appelliren wolde, Nicht zugebest, Noch vorhengest. Vnnnd ob du des Rechten auff einen ader mer gerichtstagen durch vnser ader eigen gescheffte In deiner persone aufzuwartten vorhindert wurdeft, Geben wir dir hiermit vnsern volkomenden gewaldt, das du, so oft es dj nottorfft erfordert, einen andern Commissarium in aller macht, die wir dir geben haben, erwelen vnnnd setzen, Auch alzdann wider auff dich nemen mögest, vnnnd alz oft vnnnd ob eynigem taile kuntschafft vnnnd getzeugnus zu uolfuren aufgelegt Ader sunsten zu erhaltung seins Rechtens furzubringen nottorfftig sein wurde, Es sey schriftlich ader personlich, dieselbigen schrift vnd personen, wue die In vnsern landen von einichem taile angetzaigt wurden, Aufz crafft diser vnser Commission zu fordern vnd andern zu fordern vnd zu uerhoren, Bevelhen vnnnd sunsten alles, was beden partheien In iren Richten nottorfftig vnnnd sich zu Recht eigendt, furzunemen, zu handeln, schaffen vnnnd thuen, In Mafen wir solchs selber in eigener persone, wue wir entgegen worden, theten vnnnd thun mochten, vnsern ganzten volkomen gewaldt vnnnd macht haben vnnnd vben soldt. Geben dir auch hierbey vnd mit aller gewaldt vnd macht, die einem volltendigem vnnnd vnuerleglichem Commissarien zusteen vnnnd nottorfftig sein mag, Alz ob die sonderlich vnnnd In aller eigenschaft mit aufgedruckten claren wortten vnserm gescheffte brieffe vnnnd Commission von wort zu wort gefaczt vnd geschriben werde, Vnd ob ichtes mer nach des Rechtens scherffe vnd ordenung Oder nach landtleufftiger gewonhait In diese vnser dir gegeben Commission soldt gefaczt vnd aufgedruckt sein, wollen wir dir hiermit zu aller nottorfft vnnnd wider alle Excepcion gegeben vnnnd Bevolhen habenn, Geben vnd Bevelhen hiermit crefftiglich vnd volliglich. Geben zu Ofen, Am Sonabendt Sanct Vlrichs tag, Anno domini Millefimo Quingentesimo, vnser Reiche des Hungerischen Im czehenden vnd des Behmischen Im Neunvndtweintzigstem Jarenn.

Wladislaus Rex, Manu propria subscript.

So vns dan nue von Irer kon. Maiestat, vnnferm allergnedigstem Hern, folcher Bevelhe gescheen vnd gegeben, haben wir mit vnnsern beitzern aufz crafft vnnnd macht derselbigen ersten koniglichen Commission Ein vrteill, das man nenth Im rechten Interlocutoria, irkanth vnd declarirt, vor welchem vrteill ewer fl. gnaden geschickte Rate vnnnd anwaldt an kon. Maiestat, vnsern allergnedigsten Hern, vonn vnns geappellirt vnd berufft. Nach folcher Appellation vnd Berueffung Ist

vns zum andern von ir kon. Maiestat, vnserm allergnedigsten Hern, Ein Neue Commission zugefertigt, welchs lauts hernach Inferirt:

Commissio secunda.

Wir Wladislaus, von gots gnaden zu Hungern, Behmen etc. konig, Marggraue zu Merhern etc., Entbieten dem Hochgebornem Heinrichen, Burggrauen zu Meissen, Grauen zum Hartenstein, Hern von Plawen, vnserm landtvoit In Nieder Lauffitz, vnser gnade vnd alles guth. Lieber getrawer, alz wir dir vnd den vierstenden vnfers Marggraffthumbs Nieder Lauffitz auff ewer schreiben, an vns gethan, der sachen vnd Handlung halb die Herschaften Sarow, Storckow vnd Belfzkow mit Iren zugehörungen betreffendt, antwort vnd Bevelhe gegeben, Solch sachen zwuschen den wolgeborenen Johannsen von Schellenberg, konigreichs zu Behmen obersten Canzler, vnd Vlrichen von Biberstain auff Fridlandt, Als Clager, eins vnd der Hochgebornen Fursten, hern Fridrichen, Churfürsten, des Heiligen Romischen Reichs Erczmarfchalchen, hern Johanfen vnd hern Georgen, Hertzogen zu Sachsen, Landgrauen In doringen vnd Marggrauen zu Meissen, gebruder vnd vedtern, als der beclagten, anders tails, Als in den sachen volmechtiger Commissari zusampt den vierstenden vnd Rechtltitzern, Inholdt solchs vnfers Mandats vnd voriger Commission dir deshalben gegeben, Rechtlich, wie sich geburt zu entschaiden vnd zu ende zu brengen. Nue haben wir aufz den Acta, die du vns ytz zugefandt, eigentlich vornomen, wie dich auff deyn beschidnen rechtstag Auff mittwochen nach Inuocauit, ytz In der vasten vorgangen, der gedachten Fursten von Sachsen geschickt anwalde vnd Rate zu einem bequemlichem Richter In diesen sachen abgeflagen, das aber du, alz diser sachen vnser sonderlicher volmechtiger vnd verordenther Commissarius, aufz craft vnser Commission vnd Mandats, zusampt prelaten, Hern, Ritterchaften vnd dene von Steten vnfers Marggraffthumbs Nider Lauffitz vnd denen gelerten, die wir dir der sachen halb zugeschickt, aufz redlicher bewegnus erkhandt, dich In obberurthen sachen Eynen bequemlichen Richter zu sein, vnd das yetweder taile, Inhalt solchs deines vrteils vnd rechtspruchs, schuldig were, Clage vnd antwort, wie sich geburth, schriftlichen einzulegen vnd furzubringen, Solchs der mergedachten Fursten geschickt anwalde vnd Rate abgeflagen vnd nicht annemen wollen, Sondern vor vns gewaigerth vnd appellirt, wilch dein Sentenz vnd rechtspruch. Auch der geschickten anwalde vnd Rate vermeinte Appellacion vnd Apostolos, Reuerenciales vnd refutatorios haben wir mit vnsern raten vnd lieben getrawen der Chronen zu Behmen, So wir ditzmalz bey vns gehabt, verlesen vnd eigentlichen ermessen vnd erkhandt dein Sentenz Rechtlich gesprochen vnd die Appellacion wider Recht vnd vnphillich bescheen, die wir hiermit abflahen vnd nicht zulafen. Demnach vnd die weile vns die sachen nicht alleine, Sondern das gantz konigreich Behmen merglich anseheth vnd gros daran gelegen ist, Bevelhen wir dir hiermit ernstlich vnd wollen, das du alz sonderlicher vnd In den sachen vnser verordenther vnd bequemlicher richter vnd Commissarius, Inhalt deines Sentenz vnd Rechtspruchs, dene wir hiermit zu krefften sprechen, In obberurthen sachen weither procedirest vnd alles das dar Innen, wie sich das nach ordnung der Rechten zu handeln geburt, handelst, thuest vnd zu ende volfurest, wue aber Ein tail, welcher der were, In disen sachen vngehorsam erfunden vnd dem rechten nicht nachgihen wurde, Nichts destermynners dem gehorsamen taile, Nach lite vnd gewonhait vnfers konigreichs Behmen vnd Marggraffthumbs Nider Lauffitz von rechtswegen an alle waigerung, Souil Recht ist, ergehen lafest vnd kein anders thuest, daran verbrenghu zusampt der billichkait vnser Ernstlich meynung. Geben zu Ofen, Am Sontag Palmarum In der

vasten, Anno domini etc. XV^o. vnd Im ersten, Vnser Reiche des Hungrischen Im ailfften vnd des Behmischen Im dreißigsten Jarenn.

Wladislaus Rex, manu propria subscripsit.

Aufz crafft solcher koniglichen Commission vnd Mandats vns von ir koniglichen Maiestat zugeschickt, haben wir mit vnsern beitzern der vierfende des Marggraffthumbs Nieder Lauffitz, die strebenden Hendell, die Herschafften Sarow, Storckow vnd Befzkow mit aller Irer zu vnd eingehorungen betreffende, So ewer fl. gnaden anwalden vnd geschickten Rate an kon. Maiestat von vns geappellirt vnd berufft, gantz volkomlichen vnd krefftiglichenn wider zu vnns genomen vnd ewern fl. gnadenn ein Rechtlich Citacion peremptorie zugeschickt vnd rechtlichen geladen. Auff welch vnser Rechtlich Citacion ewer fl. gn. vor sich, Noch dorch volmechtige anwalde adder procuratores vor vnns zum Rechten nicht irschynen, Sondern gantzlichen aussenblieben, Hadt vnns mit vnsern beitzern vor Recht angefehenn, difes ewer fl. gnaden aussenbleibens vngehorsamlich vnd Contumaces zu erkennen. Nach lauth vnd Inhalt derselbigen andern koniglichen Commission haben wir mit weiterm Rate vnser beitzern der vierfende vnd rechtsgelarten, So vns von kon. Maiestat czugegeben, zu handeln geprocedirt Vnd ein Rechtlich Sentenz vnd rechtspruch aufschreiben lasen vnd offentlichen aufgesprochen, Welcher vnser rechtgethaner Sentenz vnd rechtspruch, wie von wort zu worte seines lautes hernach volget, Inferirt:

Sententia diffinitiva.

Wir Heinrich, des Heiligen Romischen Reichs Burggraue zu Meiffen, Graue zum Hartenstein, Her von plawen, koniglicher aufzlendischer Lehen Hewptmann vnd Marggraffthumbs Nieder Lauffitz Lanndt Voit, verordenther Richter, koniglicher Commiffarius vnd Delegat Inne dene Rechtlichenn Zufruchenn vnd anclagung, So ytz eczliche lange czeit tzwuschen den wolgebornen Hern, Herren Johannfenn vonn Schellenberg, des konigreichs zu Behmen oberstem Cantzler, vnd Hern Vlrichen von Biberstain auff Fridlandt, als litifconforten vnd clagern, eyns vnd der durchleuchten Hochgeborn Fursten vnd Hern, Hern Fridrichs, des Heiligen Romischen Reichs erczmarfchalben, Churfurste, Hern Johannes, Her George, gebruder vnd vedtern, Hertzogen zu Sachffen, Landtgrauen In Doringen vnd Marggrauen zu Meiffen, Als der beclagten vnd antworther, anders tails, vber die Herschafften, Slos vnd Stete Sarow, Storkow vnd Befzkow vnd allen Iren Eyn vnd zuehorungen, des durchleuchtigsten, Grofmechtigsten Fursten vnd Herrn, Hern Wladislawen, zu Hungern, Behmen, Dalmacien, Croacien etc. konigs, Marggrauen zu Merhern, Hertzogen zu Lutzelburgk, dorch Slesien vnd Marggrauen zu Luffitz, vnser allergnedigsten Hern, vnd der loblichen Chronen zu Behmen Lehenn vor vns Im rechten gehalten vnd auff etzlich termyn darinnen gehalten, procedirt, Doch auff keynen endlichen aufztrag kommen, Bis so lang wir nach ordnung der Rechte In difen sachen vns noch Reiffen vnd wolvorbetrachten vnd vorgehalten Rate zu bequemen Richter irkhanten. Doran die volmechtigen procuratorn vnd gesandten von den Fursten zu Sachffen, als des beclagten tails, appellirten vnd dorch vns denselben apposteln wie In actis eingeleibt, gegeben, Dieselbigen appellacion dorch Ir kon. Maiestat Hungern, Behmen, vnser allergnedigsten Hern veracht, vernicht vnd als vor freuelich eingeworffen, nicht zugelassen, Dorch frische vnd Newe Commission vns aber mit hochem ernst Bevolhen vnd vorschafft, solch Rechtlich getzencke Inhalt derselbigen Ir kon. Maiestat Commission zuuerenden, Darnoch wir von dem clagenden parth hiczlich angefucht, die Fursten von Sachffen, als oft-

mals beclagten, Nochmals In crafft diser letzten Commission laden vnd vor Recht auff einen bequemen tag vnd Stelle zu Citiren geruchten, Das wir nicht widersprochen haben mogen, haben durch den gelwornen zum Rechten mit zugegebenen tzeugen die vorgnanthen Fursten, als beschuldigten, durch vnser bekreffte Citacion mit sampt Inhalts Ir kon. Maieftat Commission vnd Infercion des Libels ader clage Iren gnaden zugefertigt vnd sie noch ordnung der Rechte vnd leuth Ir kon. Maieftat Commission vor vns zu Spremberg auff Montag vor Viti, schirft verschynnen, einzukomen vnd auff dienstags darnach, auch vorschynnen, wie Recht vnd vor gericht zu erscheynen, gerufft, gefodert vnd verboth, Wie dan alles In actis Eingeleibt vnd beschreiben. So aber nymandts auff bemelte tage vnd stelle von den Fursten von Sachsen wie Recht irschynnen, Ist durch vns nach vorbehabtem Rate Ein ander Interlocutoria auff hochhaltung des parts aufgangen vnd die oftgemelten Fursten vor vngehorsam vnd Contumaces Irkhandt vnd pronunciret.

Ober das alles der clagende taile mit angezunthem Mute hadt wollen probiren vnd beweisen, das das gemeyne landtleufftliche Recht vnd loblich gewonhait des konigreichs Behmen vnd Marggraffthums Nieder Lausitz, dar Innen die koniglichen Lehen, Slos vnd Stete Sarow, Storckow vnd Befzkow mit sampt Irer ein vnd zugehörungen gelegen, Noch denselben Rechten vnd gewonhait vns Ir kon. Maieftat, vnser allergnedigster Her, zu richten vnd vrteill zu sprechen ernstlich Bevolhen vnd daruber etzlich benuglich vnd krefflich probacion In schrift vnd lebendiger getzeugnus einbracht vnd eingelegt, darvber auch Ir libell vnd angestalte clage vast In allen puncten vnd artickeln durch koniglich brieffe vnd ander getzeugnisse verificirt vnd endlich vns angeschriben, sie furt auff solch ir erklerth gerechtigkeit nicht weither aufzutziehen, noch zu uersewmen, Sondern ir kon. Maieftat Commission Irem Libell vnd eingelegther clage vnd darvber verfurther verificacion vnd probacion vnd Inhalt Irer schriftlichen Peticion rechtlich vnd endlich Sententz vnd vrteill zusprechen. So wir aber keynerley entschuldigung mer haben mogen, Sindt wir gneigt vnd verpflichtet, Inhalts Ir kon. Maieftat Commission, vnfers allergnedigsten Hern, die gerechtigkeit zu Administriren, vnd haben also mit grossem vnd ezeilichem Rate der vierstende des Marggraffthums Nider Lausitz mit sampt derneben gefanthen von irer kon. Maieftat rechtsgearthten mit hochem vleis gewegenn vnd furgenomen, Ir kon. Maieftat, vnfers allergnedigsten Hern, Commission, Citacion, Execucion, Auch bide vrteill, Interlocutorie gnanth, von vnns aufgangen, vnd darnach die getzeuge, koniglich brieffe vnd ander probacion, So von dem clagendem taile vor vnns gebracht, eingelegt vnd vnther ander gerichtts Hendell vortzaichnet Vnd auff das alles Crifti vnfers erledigers vnd selligmachers namen angerufft In diser schrift, sitzende auff vnserm Richterstule, dene wir vns In disen sachen vnd anlagen vnd zu diser vnser endtlichen Sententz vnd Richtspruch erwelt habenn. Sprechen, erkennen vnd declariren In Mafen vnd Forme, wie hiernach volget, vnd also am ersten, das die oftgemelten Durchleuchten, Hochgebornen Fursten vnd Hern, Hern Fridriche, des Heiligen Romischen Reichs Ercz Marschalch, Churfurste, Her Johans, Her George, gebruder vnd vedtern, Hertzogen zu Sachsen, Landtgraffen In doringen vnd Marggrauen zu Meiffen, vnd alle die Jhenigen, So eincherley Rechtens Ader gerechtigkeit daran an Mafen wolten, Inhalts der rechtlichen Citacion als beclagten, vnd vngehorsam von aller Irer gerechtigkeit, So sie vermaynen zu haben zu den koniglichenn Lehengutern, Slossen vnd Steten Saraw, Storkaw vnd Befzkaw mit sampt Ir aller Ein vnd zugehörungen abgefallen vnd verlustig, Darzu mit aller darlegung der nottorfftigen Rechtskhof vnd was sie Frucht ader Nutzarkeit eingenommen hedten, zu erstaten oftgemelten clagern vorpflicht sindt, Derfelbigen taxacion vnd Moderacion wir bey vnns behalten. Schaffen auch vnd Gebieten derhalb, als koniglicher

Commissarius vnd verordenther richter, die gemelten vnd beclagten Fursten Ader Iren Anwalden vnd Inheldern die oftgemelten koniglichen Lehenguther, Slos vnd Stete Sarow, Storckow vnd Belzcow mit Iren Ein vnd zugehorigen vnd derselbten besitzung In vierzeben tagen noch verkundigung dses vnfers rechtlichen rechtspruchs Frey vnd vnuerhindert abzutreten, zu Rewmen vnd zu Eingeben, fridlich vnd vnuerhindert volgen lassen vorbestimpten clegern, vnd declariren auch hiermit vnd irkhennen die erstgemelten Hern Johan von Schellenberg vnd Hern Vlrichen von Behirfstein zu den bemelten guthern Noch ordenung der Rechten, wie obenn vnd In craft des spruchs, Rechte Hern, Noch verlesung irkhandt, irkhennen vnd Sprechenn das zu recht. Gescheen zu Spremberg, feria IV^{ta} post Viti, Anno XVC. vnd Im ersten.

So nue dann nach solchem vnferm endlichem Sententz vnd Rechtspruch kein appellacion noch berueffung bescheen vnd die Recht also nach lauth vnd Inhalt des Rechtgethanen rechtspruchs ganz endlich vollaren vnd irgangen, Hat abermals der durchleuchtigst, Grosmechtigst Furste vnd Her, Her Wladiflaus, zu Hungern, Behmen etc. konig, vnfer allergnedigster Her, mit bestatigung vnd Confirmacion vnfers Rechtgethanen Sententz vnd rechtspruchs ein Commission zugeschickt, Bevelhende, weither Ein gnugliche Execution zu thuen, Welche Commission feins laus hernach volgt:

Wir Wladiflaus, von gottes genaden zu Hungern, Behmen etc. konig, Marggrau zu Merhern etc., Entbieten dem Hochgebornen Heinrichen, Burggrafen zu Meiffen, Grauen zum Hartenstein, Hern von Plawen, vnfer aufzlendischen lehn Hauptman vnd Landvoit In Nieder Laufitz, vnfer gnade vnd alles guth. Lieber getrawer, Wir haben dein Sententz vnd endlichen Rechtspruch, So du als bequemer vnd vnfer verordenther richter vnd Commissarius mit Rechtsverstendigen, die wir dir zugeewgent vnd geschickt, Auch mit den vierstenden vnfers Marggraffthumbs Nieder Laufitz tzwischen den wolgebornen Johann von Schellenberg, oberstem Canczler des konigreichs zu Behmen, vnd Vlrichen von Biberstein, Als clagern, eyns, vnd den Hochgebornen Fursten, Her Fridrichen, des Heiligen Romischen Reichs Ertz Marschalch, Churfursten, Hern Johanfen vnd Georgen, Herczogen zu Sachffen, Landtgrauen in Doringen vnd Marggrauen zu Meiffen, gebrudern vnd vedtern. Alz den beclagten, anders tails, In sachen die Herschafftten Sarow, Storkow vnd Belzcow mit Irem anhang betreffende, Auf craft vnfer Commission vnd Mandats dir derhalb sonderlich gegeben, gethan vnd gesprochen hast, eigentlich zusampt allem proces solchs Handels verlesen vnd vernomen vnd dieselbige dein Sententz vnd rechtspruche gerecht irfunden vnd irkhandt, denn auch zu krefftten gesprochen vnd bestatigt haben, vnd dieweile es sich aufz nottorfft eynem yedem Sententz vnd Rechtspruch, wie der aufzgangen vnd bescheen, gnuglich nachzukhomen vnd Execucion zu thun rechtlich geburth, Bevelhen wir dir hiermit Ernlich, Gebieten, das du den Jhenigen, wie sich von ordenung der rechten wegen geburth, Nach site vnd gewonhaith vnfers konigreichs Behmen vnd Marggraffthumbs Nider Laufitz, lauth deines gesprochenen Sententz, tage vnd tzeit benenneft, damit In solcher tzeit deynem Sententz vnd Rechtspruch nach gegangen were vnd Nemlich gnuglam Execucion onuertzihen beschee; wue aber das nit beschee. Alzdzann aufz macht vnd craft deines Rechtgesprochenen Vrteils vnd Sententz, wie du das am pesten vnd sich nach ordenung der Rechten geburth, wirst du konnen vnd mogen thuen, Souil thuest vnd In sachen handelst vnd mit Execucion dermasen procedirest. Auff das gedachten clagern der guther aller. So Inen durch dein Sententz Rechtlich zugetailt vnd gesprochen, In Nutze vnd gewere one Irrungen komen vnd Inen die weither wider deinen Sententz vnd rechtspruche nicht surgehalden, Sondern zu gerubelicher posses

vnd gebrauch eingewant werde, daran verbrenget zofampt der bilichkeit vnfer ernstlich meynung. Geben zu Ofenn, Sontags aller heiligen Abendt, Anno domini XVC. vnd Eins, Vnfer Reiche des Hungerischen Im czwelfften vnd des Behmischen Im Ein vnd dreißigsten Jaren.

Wladislaus Rex, Manu propria subscript.

Nach solcher vns zugeschickter Commission vnd Mandat von kon. Maiestat, vnferm allergnedigsten Hern, haben die Wolgeborn Hern, Her Johann von Schellenberg, des konigreichs zu Behmen oberster Cantzler, vnd Her Vlrich von Biberstein, von denen diser rechtlicher Sententz saget, dorch Ire volmechtige procuratores vnns vleissig angefucht vnd Begert, das wir nach laute vnd Inhalts derselben letzten kon. Commission dem Rechtlichen Sententz vnd rechtspruch noch Ein gnuglich Execution mit allen processen auff dj Herschafftten Sarow, Storckow vnd Befzkow mitfampt aller irer zu vnd eingehorung gnuglichen zu thun Ader gnuglichen zu thun verschaffen, haben wir solchs Ir tzimlichs vnd rechtlichs ansuchen vnd Begern angesehen, So sich dann noch einem iczlichem rechtlichem Sententz nach ordenung der rechte ewgendt vnd geburdt, gnugliche Execution zu thun, haben wir angetzaigther Burggraue Heinrich, als Landt Voite des Marggraffthums Nieder Lauffitz, dar Innen solche Herschafftten Sarow, Storckow vnd Befzkow gelegen, Auch auff Bevelh vnd gewaldt koniglicher Maiestat, vnfers allergnedigsten Hern, Commission, den wir hir Innen vben vnd gebrauchen, vber die genanthen Herschafftten Sorow, Storkow vnd Befzkow mit aller Irer zu vnd eingehorungen Irkhandt vnd vor Recht Angefuchen vnd vnfer schriftlichen proces vnd litteres Executoriales gegeben vnd kegenwertiglich thun vnd geben Euch durchleuchtigen, Hochgebornen Fursten vnd Hern, Hern Fridrichen, des Heiligen Romischen Reichs Ertz Marschalch, Churfurste, Hern Johann, Hern Georgen, gebruder vnd vedtern, Hertzogen zu Sachffen, Landtgrauen In Doringen vnd Marggrauen zu Meissen, vnferm gnedigen vnd gnedigsten Hern, allen samentlich adder sonderlichen vermanende, das ewer fl. gnaden Innenwendig funffzehen tagen, nach diser vorkundigung vnd preselation nacheinander volgendt, welch wir ewern fl. gnaden funffe zum erten, funffe zum andern vnd funffe zum dritten vnd peremptorie setzen, Nennen vnd assigniren, die wolgebornen Hern, Hern Johann von Schellenberg, des konigreichs zu Behmen oberstem Cantzler, vnd Hern Vlrichen von Biberstein auff Fridtlandt Ader Ire volmechtige anwaldt vnd procuratores In beruhlicher possession vnd gebrauch die mergnanthen Herschafftten Sarow, Storckow vnd Befzkow mit aller Irer zu vnd Eingehorung einantwort vnd mechtiglichen einweist, Einzuantworten vnd Einzufuren gebietet vnd verschaffet vnd nach der Einweisung vertreten vnd zu fridlicher possession vnd gewerde furet, alz rechte Hern, Rechtlich possessores vnd besitzer mit allen rechten, Herlichkeiten, Nutzen, Fruchten vnd alle Andre Ein vnd zugehorungen, nichtis aufzgeschlossen, den offtedachten Hern, Hern Johan von Schellenberg vnd Hern Vlrichen von Biberstein ader Iren volmechtigen anwalden gentslich vnd volkomlich abtreten vnd Einantwort, Abzutreten vnd Einzuantworten, alzuil an ewer fl. gnaden vorschaffet vnd Haifchet. Wue sich aber ewer fl. gnaden solchem Bevelhe, so vns von kon. Maiestat gegeben vnd Bevolhen, dene wir hir Innen gebrauchen vnd vnfer gnuglichen Execution entsetzt vnd nit genuge geschee, So eroffnen vnd verkunden ewern Furstlichen gnaden, allen samentlichen ader sonderlichen, Das ewer fl. gnaden In alle die penen vnd scheden, die sich nach ordenung der Rechten vnd der Lande des Konigreichs Behmen vnd Marggraffthums Nieder Lauffitz, darinnen solche Herschafftten gelegen vnd zum Rechten vntherworfen, gewonhaiten eigen, haifchen vnd geburen, als die sich vngehorsamlich vnd gewaltiglich wider den Richter

vnd seiner gnuglichen Execution widern vnd setzen, komet vnd fallet. Darvmb verboten wir ewern fl. gnaden, allen samentlich ader sonderlichen, vnd allen andern iczlichen vnd menniglichen, wes Stands ader wesen die sein, Bey der mergedachten pena, das Ir die gedachten Hern, Hern Johan von Schellenberg etc., Hern Vlrichen von Biberstein ader Ire volmechtige procuratores zu Irer geruelicher possessz vnd gebrauch der ostgedachten Herschaften Soraw, Storckow vnd Bezckow mitlampt aller Irer zu vnd Eingehorung fridlich komen laset vnd vnserm itzgemeltem proces vnd Execution gnuge vnd volge geschee vnd doran khein Hindernus noch Irrung, Es sey mit Hulff, Rate, beistandt, heymlich ader offentlich, wie man das erdencken mag, thuet, noch zu thun gestattet; Auch so wollen wir diesen vnsern obgeschriebnen procesz vnd gnuglich Execution allen vnd itzlichen Intimiret, Insinuirt, verkhundet vnd gantz offentlichen publicirt haben. So wir Nue dann mit vnsern andern notigen geschafften beladen vnd verhindert vnd solch gnuglich Execution selbstin vnd In eigener persone nit thun können vnd mogen, So haben wir den Vesten Albrechten von Walterstorff, geschwornen zum Rechten, furder die gnuglich Execution aufz Bevelhe vnd gewaldt der letzten koniglichen Commission volkomlich macht von vnserntwegen zu thun gegeben, vnd In craft dicz vnser brieues geben Bis zu vnserm widerrueffen vnd Bevelhen Ime ernstlich vnd wollen, wie vnd wenne er khan vnd mag, sichern zutrite an stellen zu iren fl. gnaden personen zu haben. Is en sey samentlich ader sonderlichen, vnd solchen vnsern proces mit allem Inhalt Iren fl. gnaden Intimirt, Insinuirt, getrewlichen vnd offentlichen publicirt, Auff das dj mergedachten Hern, Her Johann von Schellenberg etc., Her Vlrich von Biberstein Ader ire volmechtige procuratores zu geruelicher gewerde vnd possessz In die oft gedachten Herschaften Sarow, Storckow vnd Bezckow mit aller Irer zu vnd Eingehorung aufz obgemelther macht vermanen vnd irkhunden, Eingeweilt vnd beruhlich eingantwort werde, vnd noch der Einweisung fridlich zu beschutzen vnd zu beschirmen vnd khein Hinderung thun, noch zu thun gestaten. Auch sol der gnanthe kon. Maiestat geschwornen zum Rechten alles das, so er von vns In bevelhe vnd gehaische hadt, Es sey sonderlich ader offentlich, gantz vleissiglich volkomen Exequiren vnd volbringen, aufz macht vnd gewalt kon. Maiestat vns gegeben Commission, dene wir hir Innen vben vnd gebrauchen. Wue es sich aber begeben, das vns weither geburth eincherley Procesz In disen handeln zu uolfuren vnd zu thun, das haben wir bey vns gantz volkomen gewaldt furbehalten, vnd wollen doch damit vnserm bevelhe vnd gewaldt, dem wir dem gnanthen geschwornen zum Rechten gegeben vnd gethan, nichtis gefwecht, noch gemynnert haben, Es ensey dan, das wir In vnsern schrifften klerlichen aufzdrucken vnd widerrueffen. Des zu Vrkundt haben wir obgnanther Burggraue Heinrich. Landvoit, vnser Secret zu ende diser schrifft hierfure drucken lassenn, Gescheen am Freitage Nach Conceptionis Marie Virginis, Anno domini XVC. primo.

Nach dem Originale im Königl. Sächs. Geh. Staatsarchive in Dresden.